



Broj: UP-1/18.1.1- 07.6 – 4120/ 22
Sarajevo, 17.08.2022. godine

Na osnovu člana 14. Zakona o slobodi pristupa informacijama u BiH („Službeni glasnik BiH“ br. 28/00, 45/06, 102/09, 62/11 i 100/13), člana 29. Zakona o Službi za poslove sa strancima („Službeni glasnik BiH“ 54/05 i 36/08), Služba rješavajući po zahtjevu Nidžara Ahmetašević, zaprimljenog e-mailom dana 05.08.2022. godine, a u predmetu za pristup informacijama, donosi:

RJEŠENJE

kojim se podnosiocu zahtjeva **u cijelosti odobrava** pristup traženim informacijama.

Obrazloženje

Nidžara Ahmetašević, obratila se Službi za poslove sa strancima zahtjevom za pristup informacijama, a koji se odnosi na dostavljanje odgovora na sljedeća pitanja:

1. Na koji način se finansiraju operacije u kojima se vrši potraga, identifikacija i izmještanje migranata? Koliko košta jedna takva operacija? Da li je angažman službenika koji učestvuju pokriven iz budžeta ili iz donacija? Koliko službenika obično učestvuje i koliko to košta?
2. Na koji način je ozvaničena saradnja sa Joint Operational Office u Beču? Molimo vas da nam dostavite dokument kojim je ta saradnja ozvaničena? Šta ona podrazumijeva i iz kojeg budžeta se finansira? Ko su službenici, tj koja je njihova funkcija i rank, koji sudjeluju u ovim operacijama?
3. Deportacije u Pakistan - iz kojeg budžeta je pokrivena prva takva operacija? Koliko je koštala? Da li postoje procjene koliko će koštati u budućnosti i iz kojeg budžeta će to biti pokriveno? Koliko službenika je uključeno u slučaju jedne osobe?
4. Na koji način je ostvarena saradnja sa Turkish Airlinesom? Molimo vas da nam dostavite dokument o toj saradnji?
5. Da li IOM i EU podržavaju ove operacije i ako da, na koji način? Novčano, osobljem, opremom, edukacijom...?
6. Molimo vas da nam dostavite dokument kojim je ozvaničena saradnja BiH sa Eupolom? Koji iznos donacija je do sada došao u BiH na osnovu ove saradnje, ako je došao?
7. Molim vas da nam dostavite Memorandum o jačanju saradnje za efikasniju borbu protiv ilegalne migracije.

Podnositelj zahtjeva navodi da su informacije potrebne u svrhu istraživanja koje vrši organizacija Statewatch sa sjedištem u UK. U postupku je utvrđeno da je zahtjev podnesen u propisanoj formi i ovaj organ je, u skladu sa članom 14. Zakona o slobodi pristupa informacijama u BiH, poduzeo sve potrebne mjere da prikupi zahtijevane informacije i razmotrio je sve činjenice i okolnosti koje su značajne za obradu zahtjeva. U skladu sa članom 9. Zakona o slobodi pristupa informacijama, Služba za poslove sa strancima je cijenila javni interes opravdanosti davanja traženih informacija i

ovaj organ je utvrdio da nema smetnji da se odobri pristup traženim informacijama, stoga je riješeno kao u dispozitivu.

Služba za poslove sa strancima uz Rješenje, u prilogu, dostavlja informacije koje su u nadležnosti ovog organa. Za informacije koje nisu u nadležnosti Službe za poslove sa strancima, podnositelj zahtjeva se upućuje da se obrati nadležnom organu.

Pouka o pravnom lijeku: Protiv ovog rješenja može se izjaviti žalba Žalbenom vijeću ministara BiH, Ul. Trg BiH br. 1, 71000 Sarajevo, uz uplatu takse u iznosu od 10,00 KM, u skladu sa Tarifnim brojem 2. Tarife administrativnih taksi („Sl. glasnik BiH“, broj 16/02, 19/02, 43/04, 8/06, 76/06, 76/07 i 3/08) u roku od 15 dana od dana prijema rješenja. U zaštiti prava stranka se može obratiti Ombudsmanu BiH, Ul. Akademika Jovana Surutke br. 13, 78000 Banja Luka.

Način slanja:

-e-mail [REDACTED]

Dostaviti:

- Naslovu
- a/a





Broj: UP-1/18.1.1- 07.6 – 4120 / 22
Sarajevo, 17.08.2022. godine

E-mail adresa: [REDACTED]

PREDMET: Zahtjev za pristup informacijama, odgovori, dostavljaju se-

U vezi sa traženim informacijama koje se odnose na dostavljanje odgovora na pitanja navedena u zahtjevu za pristup informacijama, Služba za poslove sa strancima dostavlja odgovore na pitanja koja su u nadležnosti ovog organa.

Aktivnosti u kojima se vrši potraga, identifikacija i izmeštanje migranata se odvijaju u okviru redovnih aktivnosti Službe za poslove sa strancima, te se troškovi za pomenute aktivnosti finansiraju iz budžeta uz eventualnu podršku međunarodnih i nevladinih organizacija, u skladu sa potrebama.

Služba za poslove sa strancima je u skladu sa Sporazumom o readmisiji između Bosne i Hercegovine i Islamske Republike Pakistan, uspješno izvršila postupak prisilnog udaljenja prve grupe državljana Pakistana, koji su nezakonito boravili u Bosni i Hercegovini. Troškovi za prisilno udaljenje stranaca u Pakistan su finansirani iz budžeta i iznosili su 19.000 KM. Za potrebe prisilnog udaljenja jedne osobe, učestvuju dva do tri službenika. Provodenjem ovog postupka napravljen je značajan iskorak na Zapadnom Balkanu, čime je BiH postala prva zemlja u regionu koja je realizovala prisilno udaljenje državljana Pakistana uz pratnju do matične zemlje. Prisilnom udaljenju prethodili su kompleksni procesi, koje je Služba uspješno okončala.

Saradnja Službe za poslove sa strancima sa Turkish Airlines-om se zasniva isključivo na komercijalnim osnovama.

U okviru specijalnih mjera za upravljanje migrantskom krizom, a koje su predviđene IPA projektom, namijenjena su sredstva za realizaciju povratka koja još nisu operativna.



Način slanja:

- e-mail adresa: [REDACTED]

Dostaviti:

- Naslovu
- a/a